



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Odluka
o sticanju statusa udruženja od posebnog značaja za Grad Sarajevo za
SOS – KINDERDORF INTERNATIONAL
(Prijedlog)

Predlagač: Gradonačelnica
Obrađivač: Gradska služba
za lokalno poslovanje

Sarajevo, juli 2022. godine

Adresa: Hamdije Kreševljakovića 3
71000 Sarajevo, BIH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 26. stav 1. tačka 2. Statuta Grada Sarajeva („Službene novine Kantona Sarajevo“, broj 34/08 – prečišćeni tekst), kao i na osnovu člana 8. stav 1. Odluke o načinu sticanja statusa udruženja i fondacija od posebnog značaja za Grad Sarajevo („Službene novine Kantona Sarajevo“, broj 51/21), Gradsko vijeće Grada Sarajeva, na __. sjednici održanoj __. __. 2022. godine, donosi:

(Prijedlog)

**Odluku
o sticanju statusa udruženja od posebnog značaja za Grad Sarajevo za
SOS – KINDERDORF INTERNATIONAL**

Član 1.

Ovom Odlukom utvrđuje se Udruženju SOS – KINDERDORF INTERNATIONAL status udruženja od posebnog značaja za Grad Sarajevo.

Član 2.

Udruženje SOS – KINDERDORF INTERNATIONAL finansira se iz Budžeta Grada Sarajeva iznosom od 32.000,00 KM (tridesetdvijehiljadeKM), uz mogućnost korekcije navedenog iznosa u narednim budžetskim godinama, a sve u skladu s rastom troškova života i objektivnim mogućnostima budžeta Grada Sarajeva.

Usklađivanje iz stava 1. ovog člana Odluke, vrši se izmjenama i dopunama ove Odluke.

Član 3.

Nadzor nad provedbom Odluke vrši gradonačelnica Grada Sarajeva putem nadležne Službe.

Član 4.

Izmjene i dopune Odluke vrše se na način i po postupku za njeno donošenje.

Član 5.

Odluka stupa na snagu narednog dana od dana objavljivanja u „Službenim novinama Kantona Sarajevo“.

PREDSJEDAVALJUĆI GRADSKOG VIJEĆA

Jasmin Ademović

Broj:
Sarajevo, __. __. 2022. godine

O B R A Z L O Ž E N J E

PRAVNI OSNOV

Pravni osnov za donošenje Odluke sadržan je u članu 26. stav 1. tačka 2. Statuta Grada Sarajeva, kojim je propisano da Gradsko vijeće donosi odluke, druge propise i opće akte i daje njihovo tumačenje, kao i u članu 8. stav 1. Odluke o načinu sticanja statusa udruženja i fondacija od posebnog značaja za Grad Sarajevo, čijom je odredbom, između ostalog, utvrđeno da Gradsko vijeće Grada Sarajeva donosi konačnu odluku o utvrđivanju posebnog značaja za određeno udruženje ili fondaciju, na prijedlog gradonačelnice Grada Sarajeva.

RAZLOZI DONOŠENJA

Udruženje SOS – KINDERDORF INTERNATIONAL obratilo se gradonačelnici Grada Sarajeva Zahtjevom za sticanje statusa udruženja od posebnog značaja za Grad Sarajevo. Uz zahtjev su dostavljeni dokazi o ispunjavanju općih i posebnih uslova iz Odluke o načinu sticanja statusa udruženja i fondacija od posebnog značaja za Grad Sarajevo.

Udruženje SOS – KINDERDORF INTERNATIONAL djeluje u BiH od 1994. godine na način da osiguravaju porodicu za svako dijete, kako kroz porodični model alternativne brige za djecu bez roditeljskog staranja, tako i kroz rad s rizičnim porodicama kako ne bi došlo do odvajanja djeteta od biološke porodice, te im pomažu da oblikuju vlastitu uspješnu budućnost,

Djeca koja imaju poteškoće u razvoju osposobljavaju se za funkcionalnu samostalnost, nastojeći dosegnuti njihovo maksimalno korištenje vlastitih kapaciteta. Integracija u redovne društvene procese i socijalizacija djece ima veoma važnu ulogu: djeca pohađaju redovne i specijalne škole u zajednici, uključuju se rad različitih udruženja, idu u vrtić, na vannastavne aktivnosti sportskih klubova, plesnih klubova, na različite kurseve i sekcije, kao i sva druga djeca koja odrastaju u vlastitim stabilnim porodicama.

Djelovanje Udruženja SOS – KINDERDORF INTERNATIONAL usmjereno je stvaranju pretpostavki i uslova za socijalno uključivanje i sveukupnu afirmaciju djece bez roditeljskog staranja, pri čemu se promovišu nediskriminacija, tolerancija i ravnopravnost, kao vrijednosti koje su u interesu grada Sarajeva i njegovih građana.

Uvažavajući navedeno, gradonačelnica je, u skladu s odredbama Odluke o načinu sticanja statusa udruženja i fondacija od posebnog značaja za Grad Sarajevo i prijedlogom nadležne službe, uputila Gradskom vijeću Grada Sarajeva prijedlog da se za Udruženje SOS – KINDERDORF INTERNATIONAL utvrdi status od posebnog značaja za Grad Sarajevo.

Uvažavajući naprijed navedeno, Gradsko vijeće Grada Sarajeva donijelo je ovu Odluku.

FINANSIJSKA SREDSTVA

Finansijska sredstva za realizaciju ove Odluke obezbjeđuju se u Budžetu Grada Sarajeva.